



Broj: 01-04-1478/25-AP-4
Datum: 30.06.2025. godine

ZAPISNIK (IZVOD)

sa 8. sjednice Gradskog vijeća Zavidovići koja je održana, dana 30.06.2025. godine (ponedjeljak) sa početkom u 15:00 sati u Velikoj sali zgrade gradskih organa Grada Zavidovići.

Sjednici Gradskog vijeća prisustvovalo je 28 vijećnika: Avdičević Amer, Avdičević Zahid, Bašić Mirela, Buljubašić Demir, Čosić Omer, Dendić Sanela, Delić Elvira, Džindo Asim, Fejzić Rijad, Fojnica Admir, Hadžić Amira, Huskić Elvedin, Huskić Hasib, Ikanović Dževad, Javrić Bajro, Jupić Amra, Karajbić Anes, Mehić Amir, Pašić Indira, Polić Ajdin, Sinanović Asim, Sinanović Azra, Skejić Šemsudin, Šimšić Igor, Tursić Amir, Indira Halilčević, u 15:18 sati sjednici se pridružio Semir Šehić, u 15:35 sati sjednici se pridružio Haris Hodžić.

Odsutni vijećnici: Jalmanović Sanel.

Ostali prisutni: Sekretar gradskog organa državne službe - Nermin Čahtarević, Midhat Bajramović - Pomoćnik gradonačelnika Službe za upravu finansija, budžet i trezor, Remzo Sinanović - Pomoćnik gradonačelnika za upravu geodetskih, imovinskopравnih poslova i urbanizma, Nijaz Karahasanović - Pravobranilac Grada Zavidovići, Idriz Alihodžić - Pomoćnik Gradonačelnika Službe za upravu poljoprivrede, vodoprivrede i komunalnih poslova, Amer Halilović - direktor JKP „Radnik“ d.o.o. Zavidovići, Mesud Čamdžić - predsjednik Skupštine JKP „Radnik“ d.o.o. Zavidovići, Meliha Šabić Kalabić - predsjednica Nadzornog odbora JKP „Radnik“ d.o.o. Zavidovići, Erna Merdić Smailhodžić - Gradonačelnica Grada Zavidovići.

Zapisnik i ostale administrativno tehničke poslove obavljao - Dženan Čatić - lice na stručnom osposobljavanju u službama za upravu i posebnim službama Grada Zavidovići.

Poslove videosnimanja i livestreama vršio državni službenik Irnes Avdić - Stručni saradnik za informatiku, poslove administratora i računarske mreže, Stručna služba gradonačelnika.

Ispred sredstava informisanja sjednici prisustvovali: Željko Šlipogor - „Radio 1503 Zavidovići“ d.o.o. Zavidovići.

Na osnovu člana 81. Poslovnika o radu Gradskog vijeća Zavidovići, predsjedavajuća Gradskog vijeća predložila je verifikaciju Zapisnika (Izvod) sa 7. sjednice Gradskog vijeća održane dana 29.05.2025. godine.

Nakon provedenog glasanja predsjedavajuća konstatuje da je Zapisnik sa 7. sjednice Gradskog vijeća sa 26 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići usvaja Zapisnik (Izvod) sa 7. sjednice Gradskog vijeća Zavidovići, održane dana 29.05.2025. godine, bez primjedbi.

2. Zaključak stupa na snagu odmah.

Na osnovu člana 81. Poslovnika o radu Gradskog vijeća Zavidovići, predsjedavajuća Gradskog vijeća predložila je verifikaciju Zapisnika (Izvod) sa 2. Tematske sjednice Gradskog vijeća održane dana 12.06.2025. godine.

Nakon provedenog glasanja predsjedavajuća konstatuje da je Zapisnik sa 2. Tematske sjednice Gradskog vijeća sa 26 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići usvaja Zapisnik (Izvod) sa 2. tematske sjednice Gradskog vijeća Zavidovići, održane dana 12.06.2025. godine, na temu „Mjesna samouprava“, bez primjedbi.

2. Zaključak stupa na snagu odmah.

Na osnovu člana 61. Poslovnika o radu Gradskog vijeća Zavidovići, predsjedavajuća Gradskog vijeća, predložio dnevni red 8. sjednice Gradskog vijeća, kao slijedi:

Dnevni red:

1. Vijećnička pitanja, inicijative i odgovori.

- a) Inicijativa Ajdina Polića za zamjenu rasvjetnih tijela u naseljenom mjestu Dolovi.
- b) Inicijativa Demira Buljubašića za zamjenu krova na zgradi organa uprave.
- c) Inicijativa Admira Fojnice za pokretanje aktivnosti za izgradnju trotoara uz Regionalnu cestu, u prostoru između dva skretanja prema naseljenom mjestu Dolovi.
- d) Inicijativa Sanela Jalmanovića za izgradnju proširenja za autobuse u ulici 35. divizije.
- e) Inicijativa Admira Fojnice za saniranje, asfaltiranje lokalnog puta prema naseljenom mjestu Potklečje.
- f) Inicijativa Elvedina Huskića za raspodjelu prihoda prikupljenih po osnovu koncesionih naknada.
- g) Inicijativa Omera Ćosića za utvrđivanje javnog interesa za izgradnju pješačkog trotoara u ulici Jusufa Polića Ribara dužine cca 1 km.
- h) Inicijativa Hadžić Amire za postavljanje grbina i zabrane parkiranja u dijelu ulice Stjepana Radića.
- i) Inicijativa - prijedlog Šemsudina Skejića za raspravu o realizaciji infrastrukturnog projekta kružni tok Krivaja.
- j) Inicijativa - prijedlog Šemsudina Skejića za analizu aktivnosti oko realizacije izrade i donošenja Urbanističkog plana Grada Zavidovići.
- k) Inicijativa Asima Džinde za premještanje neaktivnog taxi stajališta iu ulice Stjepana Radića na funkcionalniju lokaciju.
- l) Inicijativa Asima Džinde za sanaciju saobraćajne infrastrukture kroz zamjenu oštećenih ogledala i reviziju postavljanja saobraćajnih znakova radi povećanja sigurnosti u saobraćaju na području Grada Zavidovići.
- m) Inicijativa Asima Džinde za prilagođavanje pješačkih prilaza potrebama dječijih kolica, osoba s invaliditetom i smanjene pokretljivosti na području Grada Zavidovići.
- n) Inicijativa Asima Džinde za dovršetak radova na asfaltiranju puta u naselju Luke (Bostašići), MZ Vozuća.
- o) Inicijativa Ajdina Polića za ukidanje poreza na istaknutu firmu.
- p) Inicijativa Ajdina Polića za proširenje puta u Borovnici.
- r) Inicijativa Amira Tursića za uređenje parking mjesta za osobe koje koriste invalidska kolica.

s) Inicijativa Amira Tursića za uklanjanje arhitektonsko-urbanističkih barijera, koje ometaju ili sprečavaju kretanje osoba s kolicima, te općenito invalidnih osoba ispod Gradske Džamije.

t) Inicijativa Harisa Hodžića za donošenje odluke o pokretanju aktivnosti na izradi projektne dokumentacije za izgradnju etažnog parkirališta.

2. Izvještaj Skupštine JKP „Radnik“ d.o.o. Zavidovići o radu i finansijskom poslovanju JKP „Radnik“ d.o.o. Zavidovići za 2024. godinu.

3. Izvještaj o izvršenju Budžeta Grada Zavidovići za period 01.01.-31.12.2024. godine.

4. Prijedlog Odluke o usvajanju obračuna Budžeta Grada Zavidovići za period 01.01.-31.12.2024. godine.

5. Prijedlog Odluke o usvajanju Plana parcelacije za lokalitet Vozuća označen sa k.č. 217/1 i 217/11 k.o. Vozuća.

6. Prijedlog Odluke o provođenju Plana parcelacije za lokalitet Vozuća označen sa k.č. 217/1 i k.č. 217/11 k.o. Vozuća.

7. Informacija o okončanju stečajnog postupka JP „Gradska pekara“ Zavidovići u stečaju.

8. Prijedlog Odluke o dopuni Odluke, broj 01-27-1023/25-AP-3 od 29.05.2025. godine.

Predsjedavajuća daje dnevni red 8. sjednice Gradskog vijeća Zavidovići na glasanje.

Nakon provedenog glasanja predsjedavajuća konstatuje da je dnevni red 8. sjednice Gradskog vijeća sa 26 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići usvaja predloženi dnevni red 8. sjednice Gradskog vijeća Zavidovići.

2. Zaključak stupa na snagu odmah i čini sastavni dio dokumentacije Gradskog vijeća.

Rad po dnevnom redu

Ad.1 Vijećnička pitanja, inicijative i odgovori.

Amir Mehić

PREDMET: Vijećnička inicijativa

Na osnovu člana 87. i člana 109. Poslovnika o radu Gradskog vijeća Zavidovići podnosim inicijativu za promjenu horizontalne signalizacije na putu M17.1 u ulici Zlatnih ljiljana od mosta na rijeci Gostović do skretanja za naseljeno mjesto Dolovi kod hotela Bige.

Obrazloženje:

Na magistralnom putu M17.1 koji prolazi kroz Zavidoviće, na dijelu od mosta na rijeci Gostović do skretanja za naseljeno mjesto Dolovi kod hotela Biga, postavljena je horizontalna signalizaciju u vidu pune linije. Na tom dijelu nalaze se poslovni i stambeni objekti. Kada se tim objektima i naseljima dolazi iz smjera Zavidovića prema Žepču nije moguće zakonski koristiti skretanje tim poslovnim i stambenim objektima zbog postavljene pune linije na kolovozu. U tom području ima oko 20 poslovnih objekata uz samu magistralnu cestu i postoji oko 150 stambenih objekata koji bi za prilaz morali ići do raskrsnice skretanja za naseljeno mjesto Dolovi i tu vršiti polukružno okretanje na nepreglednom i nesigurnom terenu jer je iza te raskrsnice velika krivina na dalenosti od oko 50 metara. Iscrtavanjem isprekidane linije, bar ispred ulaza i skretanja u sporedne ulice olakšao bi se pristup objektima i povećala sigurnost u saobraćaju. Neophodno je uputiti zahtjev nadležnim federalnim organima da se postavi nova horizontalna signalizacija a za realizaciju ove inicijative nisu potrebna finansijska sredstva.

Asim Džindo

PREDMET: Vijećnička inicijativa

Na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim inicijativu za planiranje budžetskog transfera u 2026. godini s ciljem omogućavanja besplatne članarine u JU Gradska biblioteka Zavidovići za penzionere i studente.

Poštovani,

S obzirom na sve manji broj korisnika Gradske biblioteke Zavidovići i općeniti pad interesa za čitanje, predlažem da Grad Zavidovići u Budžetu za 2026. godinu planira transfer od 5.000 KM za pokrivanje godišnjih članarina za prvih 300 korisnika, i to:

- 100 penzionera

- 200 studenata

Ova mjera ima za cilj ukloniti finansijsku barijeru za dvije osjetljive grupe i time podstaći njihovo uključivanje u kulturni život zajednice. Program bi provodila JU „Gradska biblioteka Zavidovići“, prema jasno utvrđenim kriterijima.

Zaključak

Zadužuje se nadležna služba da ovu inicijativu uključi u nacrt Budžeta za 2026. godinu.

S poštovanjem

Mirela Bašić

PREDMET: Vijećničko pitanje

Građani naseljenih mjesta Majdan i Ćumurana, prije nekoliko godina pokrenuli su aktivnosti za izgradnju rasvjete u njihovom naseljenom mjestu i vlastitim sredstvima finansirali izradu projektne dokumentacije za tu svrhu. Glavni projekat za izgradnju javne rasvjete u naselju Majdan — Gornje Selo i dio Ćumurane, u Mjesnoj zajednici „Branioci Grada“, izrađen je od strane projektantske kuće „CONSTRUCT PROJEKT“ d.o.o. Zavidovići, još u novembru 2022. godine i predat je nadležnoj službi.

Građani pitaju šta je učinjeno u vezi s navedenim projektom u prethodnom periodu, dokle su došle aktivnosti u vezi s istim i da li se u dogledno vrijeme može očekivati izgradnja javne rasvjete u naselju Majdan — Gornje Selo i dio Ćumurane, u Mjesnoj zajednici „Branioci Grada“?

Sanela Dendić

PREDMET: Vijećnička inicijativa

Na osnovu člana 109. Poslovnika o radu Općinskog vijeća Zavidovići, podnosim vijećničku inicijativu za hitno uspostavljanje odvoza komunalnog otpada na lokaciji odmarališta — stadiona Ridžali—Džebe.

Obrazloženje

Mještani naselja Ridžali-Džebe, u julu prošle godine obratili su se tadašnjem gradonačelniku pisanim zahtjevom za dodjelu kontejnera i rješavanju problema odvoza smeća sa odmarališta /stadiona Ridžali—Džebe. Nikada nisu dobili odgovor na zahtjev, te su prije nekoliko mjeseci, ponovo, kao Udruženje građana "Ridžali Džebe" uputili zahtjev, ovaj put, Javnom komunalnom preduzeću "Radnik" za postavljanje kante za otpad na navedenoj lokaciji. Međutim, do današnjeg dana nemaju povratnu informaciju ni od navedenog preduzeća.

Stoga, obraćaju se nama, Gradskom vijeću Zavidovići, da im pomognemo u rješavanju problema oko odvoza smeća. Naime, Odmaralište-stadion Ridžali Džebe, redovno se koristi od strane građana, izletnika i prolaznika, ali trenutno ne postoji kanta za odlaganje otpada. To dovodi do bacanja otpada u prirodu i narušavanja čistoće i prirodnog ambijenta. Posebno ističem da komunalno vozilo JKP "Radnik" već prolazi tom relacijom, što znači da bi uvođenje ove lokacije u redovan raspored pražnjenja bilo logistički izvodivo i bez većih troškova.

Šemsudin Skejić

PREDMET: Vijećničko pitanje

Na osnovu člana 87. i člana 116. Poslovnika o radu Gradskog vijeća (novi prečišćeni tekst) SI.glasnik 7/2022 postavljam sljedeće VIJEĆNIČKO PITANJE:

U kojoj fazi je Tužba koju je Općina, sada Grad Zavidovići pokrenula protiv Stečajnog upravnika sa ciljem zaštite općinske imovine — zemljišta.

Obrazloženje

Nakon što je stečajni upravitelj otpočeo sa prodajom zemljišta tokom 2019-2020. godine Općina je pokrenula tužbu u cilju povrata zemljišta za koje je smatrala da je u njenom vlasništvu. Riječ je o više desetina hiljada m² u urbanom dijelu grada. Nakon što je proces ušao u završnu fazu tokom 2022. godine neposredno poslije toga Općina (tada već Grad) odustaje od tužbe na način da Gradonačelnik i Stečajni upravitelj uz pismenu saglasnost Gradskog pravobranioca sačinjavaju sporazum i dijele zemljište koje je bilo predmet tužbe. U tom trenutku postojala je zabrana uknjiženja prodatog zemljišta i prodaje su prestale. Nakon toga pojavio se umješač koji je potencirao preispitivanje sporazuma između Gradonačelnika i Stečajnog upravnika.

Da je sav ovaj proces izašao iz okvira legalnosti potvrđuje i činjenica da je iz Pravobranilaštva upućena žalba na vansudsko poravnanje, što je u najmanju ruku čudno.

Obzirom da Gradsko vijeće između ostalog direktno odgovara za imovinu u vlasništvu Grada tražim odgovor koji jasno definiše.

-Da li je tužba povučena?

-Da li je žalba povučena

-Da li je umješač odustao od zahtjeva za preispitivanje procesa

-Kakvi su rezultati nakon podnošenja tužbe, odustajanja od tužbe i koji su rezultati žalbe Pravobranilaštva

Na kraju još jedno pitanje vrlo bitno za imovinu u vlasništvu Grada.

Medijacija i vansudska nagodba su rađene (da li i okončane) u prvoj polovini 2023. godine ali iz tog procesa izdvojeno je cca 10% ukupne površine koja je bila predmet tužbe. Riječ je o atraktivnijim lokacijama koje nisu obuhvaćene medijacijom. Zbog toga je vrlo bitno definisati konačno rješenje za ovih cca 6000 m² spornih površina. Povoljno rješenje za ovih cca 6000 m² na atraktivnim lokacijama moglo bi imati pozitivan uticaj za okončanje procesa kupovine Vile Krivaja. Gradski vijećnici sa svim ovim informacijama moraju biti upoznati. Napominjem da je o svemu ovome vođena rasprava na sjednici Gradskog vijeća održanoj u prvoj polovini 2023.godine. Tada Gradsko vijeće nije prihvatilo zaključke i sve je ostalo nejasno. Treba znati da je treća strana (umješač) jasno dala do znanja da je protiv Gradskog Pravobranioca zbog svega toga podnijela krivičnu prijavu.

Ukoliko proces nije okončan do kraja Stručna služba Gradonačelnika i Stručna služba Gradskog vijeća sa Kolegijem Gradskog vijeća morali bi tokom 2025. godine organizirati raspravu po ovom pitanju.

Dževad Ikanović

PREDMET: Vijećnička inicijativa

Na osnovu člana 109. Poslovnika o radu Općinskog vijeća Zavidovići, podnosim vijećničku inicijativu kojom tražim da Gradsko vijeće Zavidovići donese zaključak kojim se:

1. Zadužuje Služba za upravu civilne zaštite Grada Zavidovići da uputi hitan zahtjev prema Federalnoj upravi civilne zaštite, Centru za uklanjanje mina u BiH (BHMAG) i ostalim nadležnim institucijama da Grad Zavidovići uvrste u prioriteta područja za deminiranje u 2026. godini.

2. Formira radna grupa na nivou Grada Zavidovići, koja će identifikovati i predložiti prioritetne lokacije za deminiranje (uz konsultacije s mjesnim zajednicama i relevantnim službama).
3. Pokreće kampanja informisanja građana o prisustvu minskih polja i opasnosti koju ona nose, te o mjerama samozaštite.

Obrazloženje

Grad Zavidovići spada među teritorijalno veće gradove u Bosni i Hercegovini, a značajan dio prostora i dalje je ugrožen prisustvom minsko-eksplozivnih sredstava i zaostalih minskih polja iz prethodne agresije. Nažalost, vrlo mali procenat tih područja je obilježen, što predstavlja direktnu prijetnju sigurnosti građana, a ujedno onemogućava iskorištavanje prirodnih i privrednih potencijala grada — posebno u sektoru poljoprivrede, šumarstva i turizma.

Cilj ove inicijative je zaštita ljudskih života, stvaranje uslova za razvoj ruralnih područja, te otvaranje mogućnosti za održivi razvoj grada kroz poljoprivredu, turizam i druge djelatnosti. Grad Zavidovići ne smije i dalje biti talac nevidljivih prijetnji iz prošlosti. Vrijeme je da zajednički pokrenemo konkretne korake ka sigurnijoj budućnost.

Semir Šehić

PREDMET: Vijećnička inicijativa

Na osnovu člana 109. Poslovnika o radu Općinskog vijeća Zavidovići, podnosim vijećničku inicijativu kojom Gradsko vijeće Zavidovići traži od Javnog preduzeća Ceste Federacije Bosne i Hercegovine, kao naležnog upravitelja ceste koja prolazi kroz Ulicu dr Pinkasa Bandta i Ulicu Zlatnih ljiljana, da izvrši obavezu čišćenja i pranja navedenih ulica koje prolaze kroz naš Grad.

Usljed hitnim problema i u cilju efikasnosti rješavanja istog, Inicijativu proslijediti naležnom upravitelju ceste, posredstvom zastupnika u Predstavničkom domu Parlamenta Federacije Bosne i Hercegovine, Elvira Karajbića koji je dio vladajuće koalicije na federalnom nivou vlasti.

O b r a z l o ž e n j e

Ulica dr Pinkasa Bandta i Ulica Zlatnih ljiljana, predstavljaju glavnu saobraćajnu komunikaciju u Gradu Zavidovići.

Svakodnevno možemo vidjeti da su iste zapuštene, kako po pitanju redovnog, tako i investicionog održavanja.

Ulice su zapuštene i prašnjave, a čak ni abrazivni materijal nije uklonjen nakon zimskog održavanja, što je zasigurno i jedan od uzroka začepljenja odvoda i otežanog saobraćanja tom cestom prilikom jećih padavina.

Krajnje je vrijeme da upravitelj ceste izvrši svoju obavezu u okviru redovnog održavanja, u šta spada čišćenje ulica. Obzirom da je riječ o gradskim ulicama, potrebno je izvršiti suho i mokro čišćenje.

Prema podacima iz Izvještaja o radu i finansijskom poslovanju Javnog komunalnog preduzeća „Radanik“ d.o.o. Zavidovići, isto nailazi na poteškoće u provođenju redovnih poslova koje je obavezno izvršavati, te nije realno očekivati da isto o svom trošku vrši pranje ulica za čije je održavanje nadležno i plaćeno drugo Javno preduzeće.

Budući da Grad Zavidovići, ima svog predstavnika u Parlamentu Federacije Bosne i Hercegovine, gospodina Elvira Karajbića, koji je uticajan član vladajuće koalicije, predlaže se da se ova inicijativa realizuje njegovim posredovanjem sa naležnim upraviteljem cesta, kako bi problem što brže i efikasnije bio riješen.

Amira Hadžić

PREDMET: Vijećnička inicijativa

Na osnovu člana 109. Poslovnika o radu Općinskog vijeća Zavidovići, podnosim inicijativu za proglašenje 5. augusta Danom zavidovičke dijaspore.

Obrazloženje

Tokom nedavnog boravka Gradonačelnice i Predsjedavajuće Gradskog vijeća Zavidovići u Wiltzu, u susretu s predstavnicima Zavidovičke dijaspore, načelno je dogovoreno da Grad Zavidovići, 5. augusta 2025. godine, organizuje Dan zavidovičke dijaspore.

Ideja je da ovaj događaj bude poslovnog, kulturnog, sportskog i zabavnog karaktera, kao zajednički projekt naše dijaspore i Grada Zavidovići.

Kako bi ovaj projekat, prerastao u trajan i zvaničan događaj u kalendaru aktivnosti Gradske uprave, bit će neophodno da Gradsko vijeće donese odluku kojom 5. august, proglašava Danom zavidovičke dijaspore.

Shodno iznesenom, podnosim inicijativu za proglašenje 5. augusta Danom zavidovičke dijaspore.

Demir Buljubašić

PREDMET: Vijećničko pitanje

Za danas imam jedno vijećničko pitanje. Zašto inicijative iz prošlog saziva Gradskog vijeća nikada nisu došle na dnevni red. Još smo ih u prošlom sazivu podnosili, ali evo još nisu došle na red. Molim odgovor u pisanoj formi.

Zahid Avdičević

PREDMET: Vijećnička inicijativa

Ne znam kako da nazovem, vijećničko pitanje ili inicijativa. U ovim uslovima se stvarno ne može raditi, sjedimo ovdje evo ni pola sata, a već je vruće nepodnošljivo. Predlažem da se sjednice organizuju u Centru za kulturu dok ove vrućine ne prođu, ili evo ja ću rado da vas primim u Domu mjesne zajednice Kovači, naša sala je opremljena. Hvala.

Amira Hadžić: „Ja nemam više prijavljenih tako da prelazimo na usmeni odgovore ako ih ima. ... Nema znači, dobro. Prelazimo na odgovore na vijećnička pitanja postavljena na ranijim sjednicama. Pitam vijećnicu Amru Jupić, da li ste zadovoljni odgovorima na Vaša pitanja?“

Amra Jupić: „Nisam stigla pročitati.“

Amira Hadžić: „Dobro, pitat ću Vas iduću sjednicu ponovo. ... Gospodine Skejiću, da li ste vi zadovoljni.“

Šemsudin Skejić: „Imam dopunsko pitanje.“

PREDMET: Dopunsko pitanje

Na aprilskoj sjednici Gradskog vijeća postavio sam vijećničko pitanje:

Da li nadležne službe provode aktivnosti neophodne za realizaciju projekta KRUŽNI TOK KRIVAJA?

Obzirom da nikako nisam zadovoljan dinamikom aktivnosti za realizaciju predmetnog projekta tražim da se odnos nadležnih suštinski promijeni.

Analizirajući odgovor Gradonačelnice na moje pitanje zaključio sam da je ovaj vrlo važan projekat zanemaren. To najjasnije oslikava odgovor na moje pitanje koji sadrži podatke šta je do sada urađeno, a urađeno je sljedeće:

1. 26.12.2024. godine podnešen je zahtjev za uvrštavanje u plan rekonstrukcije i modernizacije magistralnih cesta na adresu JP Autoceste FBiH.

2. Na istu adresu proslijeđen je i projekat izgradnje raskrsnice na ušću Krivaje.
3. Dostavljena je evidencija o broju saobraćajnih nesreća na predmetnoj lokaciji i njenom bližem okruženju.
4. Grad Zavidovići razmatra mogućnost uključivanja u postupak rješavanja imovinskopravnih poslova kako bi se ubrzao postupak eksproprijacije i cjelokupna procedura.

Sve to jasno pokazuje da trenutno i već duži period nema aktivnosti za realizaciju projekta KRUŽNI TOK KRIVAJA.

Smatram da su sazreli uslovi da se uključi Gradsko vijeće na način da se organizuje rasprava na nekoj od narednih sjednica i donesu konkretni zaključci.

Predsjedavajuća konstatuje da se prelazi na izjašnjavanje po vijećničkim inicijativama sa ranijih sjednica

a) Inicijativa Ajdina Polića za zamjenu rasvjetnih tijela u naseljenom mjestu Dolovi.

Predsjedavajuća čita stav Gradonačelnice po Inicijativi, te daje Inicijativu na glasanje. Nakon provedenog glasanja predsjedavajuća konstatuje da je Inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

Z A K L J U Č A K

1. Gradsko vijeće Zavidovići prihvata Inicijativu vijećnika Ajdina Polića za zamjenu rasvjetnih tijela na javnoj rasvjeti u naseljenom mjestu Dolovi postavljanjem novih led rasvjetnih tijela.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu poljoprivrede, vodoprivrede i komunalnih poslova.

b) Inicijativa Demira Buljubašića za zamjenu krova na zgradi organa uprave.

Predsjedavajuća čita stav Gradonačelnice po Inicijativi, te daje Inicijativu na glasanje. Nakon provedenog glasanja predsjedavajuća konstatuje da je Inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

Z A K L J U Č A K

1. Gradsko vijeće Zavidovići prihvata Inicijativu vijećnika Demira Buljubašića za zamjenu krova na zgradi organa uprave.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

- c) Inicijativa Admira Fojnice za pokretanje aktivnosti za izgradnju trotoara uz Regionalnu cestu, u prostoru između dva skretanja prema naseljenom mjestu Dolovi.

Predsjedavajuća čita stav Gradonačelnice po Inicijativi, te daje Inicijativu na glasanje. Nakon provedenog glasanja predsjedavajuća konstatuje da je Inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Admira Fojnice za pokretanje aktivnosti za izgradnju trotoara uz Regionalnu cestu, u prostoru između dva skretanja prema naseljenom mjestu Dolovi.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

- d) Inicijativa Sanela Jalmanovića za izgradnju proširenja za autobuse u ulici 35. divizije.

Predsjedavajuća čita stav Gradonačelnice po Inicijativi, te daje Inicijativu na glasanje. Nakon provedenog glasanja predsjedavajuća konstatuje da je Inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Sanela Jalmanovića za izgradnju proširenja za autobuse u ulici 35. divizije.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

- e) Inicijativa Admira Fojnice za saniranje, asfaltiranje lokalnog puta prema naseljenom mjestu Potklečje.

Predsjedavajuća čita stav Gradonačelnice po Inicijativi, te daje Inicijativu na glasanje. Nakon provedenog glasanja predsjedavajuća konstatuje da je Inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Admira Fojnice za saniranje, asfaltiranje lokalnog puta prema naseljenom mjestu Potklečje.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

f) Inicijativa Elvedina Huskića za raspodjelu prihoda prikupljenih po osnovu koncesionih naknada.

Predsjedavajuća čita stav Gradonačelnice po Inicijativi, te daje Inicijativu na glasanje. Nakon provedenog glasanja predsjedavajuća konstatuje da je Inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Elvedina Huskića za raspodjelu prihoda prikupljenih po osnovu koncesionih naknada.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

g) Inicijativa Omera Ćosića za utvrđivanje javnog interesa za izgradnju pješačkog trotoara u ulici Jusufa Polića Ribara dužine cca 1 km.

Predsjedavajuća čita stav Gradonačelnice po Inicijativi, te daje Inicijativu na glasanje. Nakon provedenog glasanja predsjedavajuća konstatuje da je Inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Omera Ćosića za utvrđivanje javnog interesa za izgradnju pješačkog trotoara u ulici „Jusufa Polića Ribara“ dužine cca 1 km.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu geodetskih, imovinsko-pravnih poslova i urbanizma.

h) Inicijativa Hadžić Amire za postavljanje grbina i zabrane parkiranja u dijelu ulice Stjepana Radića.

Predsjedavajuća čita stav Gradonačelnice po Inicijativi, s obzirom da se Inicijativa djelimično prihvata predsjedavajuća traži izjašnjenje Vijeća. Predsjedavajuća daje Inicijativu na glasanje.

Nakon provedenog glasanja predsjedavajuća konstatuje da je Inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnice Hadžić Amire da se u ulici „Stjepana Radića“, u neposrednoj blizini Čaršijske džamije, na mjestu gdje se nalaze uspornici, umjesto istih postavi grbina tzv. ležeći policajac, te da se na uglu objekta džamije zabrani parkiranje vozila, kako bi vozila nesmetano mogla vršiti skretanje udesno u dijelu ulice koji vodi prema kapiji Čaršijske džamije, poslovnom prostoru postojeće knjižare – kopirnice i dalje prema stambenim objektima.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

i) Inicijativa - prijedlog Šemsudina Skejića za raspravu o realizaciji infrastrukturnog projekta kružni tok Krivaja.

Predsjedavajuća čita stav Gradonačelnice po Inicijativi.

Amir Tursić – povreda Poslovnika

„Razmatramo ovaj materijal kao „inicijativu“, mada je i sam podnosilac isti naslovio kao „PRIJEDLOG ZA RASPRAVU“, pozivajući se na član 8. i član 55. Poslovnika o radu Gradskog vijeća.

Članom 8. Poslovnika propisana su prava i dužnosti vijećnika, a članom 55. propisan je način pripreme i usvajanja Programa rada Gradskog vijeća, te izvještavanja o njegovoj realizaciji.

Dakle, podneskom gospodina Skejića predlaže se rasprava po određenom pitanju, a ne inicira se postupka donošenja odluka i drugih akata, što bi bio predmet inicijative. Čemu onda izjašnjavanje?

Podnosilac izričito traži da se obezbijedi RASPRAVA na ovu temu i to NAJDALJE NA JUNSKOJ SJEDNICI GRADSKOG VIJEĆA. Danas je zadnji dan mjeseca juna i poslovnički nije moguće realizirati ovaj prijedlog onako kako je podnosilac tražio. Da sad mijenja podnesak, to opet nije u skladu s Poslovnikom.

(Prijedlog dnevnog reda sjednice Gradskog vijeća utvrđuje Kolegij, kao i prijedlog izmjene Programa rada za tekuću godinu. Mi smo usvojili današnji dnevni red i vidimo da nemamo kao posebnu tačku ovu informaciju, stoga poslovnički više ne možemo prihvatiti prijedlog u cjelosti kako je to tražio podnosilac.)

Ako ste primijetili, ovaj podnesak čak nije niti naslovljen na Gradsko vijeće. Naslovljen je na Predsjedavajuću i Gradonačelnicu, a suštini, smatram da je trebao biti naslovljen na Kolegij Gradskog vijeća.

Uz sve to, istim se predlaže rasprava o realizaciji projekta koji je u nadležnosti Federacije Bosne i Hercegovine, gdje mi niti imamo vlast niti uticaj. Barem ne mi iz Kluba vijećnika Stranke demokratske akcije.

Da ne bude zabune, Klub vijećnika Stranke demokratske akcije nije protiv same rasprave po ovom ili bilo kojem drugom pitanju – naprotiv. Sve može, ali u Poslovničkoj proceduri.

Svi argumenti govore da se danas ne trebamo izjašnjavati po ovom prijedlogu, a pogotovu ne kao o nekoj inicijativi, jer ni suštinski ni formalno ovo nije inicijativa u poslovničkom smislu.

Ista je stvar i s narednom tačkom.“

Predsjedavajuća daje pauzu od 5 minuta zbog konsultacija vezano za povredu poslovnika.

(pauza 5 minuta)

Nastavak rada.

Amira Hadžić: „Nakon konsultacija sa Sekretarom Gradske uprave, te vijećnikom Šemsudinom Skejićem, moj prijedlog bi bio s obzirom da inicijativa nije pravno-formalno ispravna, da se gospodin Skejić povuče ovu inicijativu i da je ispravi onako kako je u dogovoru sa sekretarom da bude formalno-pravno ispravna i da je podnese odmah Kolegiju Gradskog vijeća kako bi se mogla staviti na dnevni red. Gospodine Skejići izvolite.“

Šemsudin Skejić: „Činjenica je da od mene nije došla inicijativa, ja uopšte nisam podnio inicijativu. Ja sam zahtjevom tražio da se vodi rasprava po ovom pitanju. To je bilo u martu ili aprilu, da bi to trebalo da bude rasprava u junu, ostavio sam dovoljno vremena, sad smo već okasnili. Mislim da meni član 8 i 55 daje za pravo da se obezbjedi rasprava na temu koju sam predložio. U redu je, ja prihvatom da podnesem inicijativu i jednu i drugu, ustvari i jedan i drugi zahtjev, ali oni će doći na red. Ja ću usaglasiti sa sekretarom ili sa gospođom Samirom kada dođe, ali vjerujte ja sam mislio da kažem zašto je ovo nazvano inicijativom, Amir je mene preduhitrio i u redu je. Mene inicijative ne zanimaju, dajte da pričamo o važnim temama... Ja evo prihvatom, povući ću inicijative, ja ću vidjeti evo sa Samirom da vidimo kako ćemo to uraditi, a ako ne usaglasimo ja znam kako ću ja uraditi. Ja sam Kolegij zaobišao namjerno, Kolegij je ovo imao u ruci, ali su preskočili, nisu to vidjeli, nisu čitali. Ja sam to tražio da se stavi na dnevni red prije utvrđivanja programa rada Vijeća. U redu je, ja evo povlačim ove zahtjeve, ako ne usaglasim ja to sa Sekretarom ili Samirom, ja znam kako ću.... zahvaljujem.“

Šemsudin Skejić povlači Inicijativu radi dodatnih usaglašavanja.

j) Inicijativa - prijedlog Šemsudina Skejića za analizu aktivnosti oko realizacije izrade i donošenja Urbanističkog plana Grada Zavidovići.

Šemsudin Skejić povlači Inicijativu radi dodatnih usaglašavanja.

k) Inicijativa Asima Džinde za premještanje neaktivnog taxi stajališta iu ulice Stjepana Radića na fukncionalniju lokaciju.

Predsjedavajuća čita stav Gradonačelnice po Inicijativi, s obzirom da se Inicijativa ne prihvata, predsjedavajuća pita Asima Džindu da li traži izjašnjenje Vijeća. Asim Džindo traži izjašnjenje. Predsjedavajuća daje Inicijativu na glasanje.

Nakon provedenog glasanja predsjedavajuća konstatuje da je Inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Asima Džinde za premještanje neaktivnog taksistajališta iz ulice „Stjepana Radića“ na fukncionalniju lokaciju, sa prijedlogom mjera:

- da se konkretno stajalište u ulici „Stjepana Radića“ ukine, a parking mjesto vrati na raspolaganje građanima kao redovno parkig mjesto.

- da se na osnovu konsultacija s taksi udruženjima predloži nova funkcionalnija lokacija za taksistajalište.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

l) Inicijativa Asima Džinde za sanaciju saobraćajne infrastrukture kroz zamjenu oštećenih ogledala i reviziju postavljanja saobraćajnih znakova radi povećanja sigurnosti u saobraćaju na području Grada Zavidovići.

Predsjedavajuća čita stav Gradonačelnice po Inicijativi, s obzirom da se Inicijativa djelimično prihvata, predsjedavajuća pita Asima Džindu da li traži izjašnjenje Vijeća. Asim Džindo traži izjašnjenje. Predsjedavajuća daje Inicijativu na glasanje.

Nakon provedenog glasanja predsjedavajuća konstatuje da Inicijativa sa 13 glasova ZA, 1 glas PROTIV, 13 glasova UZDRŽANO, nije dobila potrebnu većinu te ista nije usvojena.

ZAKLJUČAK

1. Gradsko vijeće Zavidovići odbija Inicijativu vijećnika Asima Džinde za sanaciju saobraćajne infrastrukture kroz zamjenu oštećenih ogledala i reviziju postavljanja saobraćajnih znakova radi povećanja sigurnosti u saobraćaju na području Grada Zavidovići.

2. Zaključak stupa na snagu danom donošenja.

m) Inicijativa Asima Džinde za prilagođavanje pješačkih prilaza potrebama dječijih kolica, osoba s invaliditetom i smanjene pokretljivosti na području Grada Zavidovići.

Predsjedavajuća čita stav Gradonačelnice po Inicijativi, s obzirom da se Inicijativa djelimično prihvata, predsjedavajuća pita Asima Džindu da li traži izjašnjenje Vijeća. Asim Džindo povlači Inicijativu.

n) Inicijativa Asima Džinde za dovršetak radova na asfaltiranju puta u naselju Luke (Bostašići), MZ Vozuća.

Predsjedavajuća čita stav Gradonačelnice po Inicijativi, s obzirom da se Inicijativa djelimično prihvata, predsjedavajuća pita Asima Džindu da li traži izjašnjenje Vijeća. Asim Džindo traži izjašnjenje. Predsjedavajuća daje Inicijativu na glasanje.

Nakon provedenog glasanja predsjedavajuća konstatuje da je Inicijativa sa 26 glasova ZA, 1 glas PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Asima Džinde za dovršetak

radova na asfaltiranju puta u naselju Luke (Bostašići), MZ „Vozuća“ (Hitno planiranje i realizacija dovršetka asfaltiranja puta na dionici Čipsara - naselje Luke - objekat MAN u Mjesnoj zajednici „Vozuća“).

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

o) Inicijativa Ajdina Polića za ukidanje poreza na istaknutu firmu.

Predsjedavajuća čita stav Gradonačelnice po Inicijativi, s obzirom da se Inicijativa ne prihvata, predsjedavajuća pita Ajdina Polića da li traži izjašnjenje Vijeća. Ajdin Polić traži izjašnjenje. Predsjedavajuća daje Inicijativu na glasanje.

Nakon provedenog glasanja predsjedavajuća konstatuje da je Inicijativa sa 27 glasova ZA, 1 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Ajdina Polića za ukidanje poreza na istaknutu firmu:

- Gradskom vijeću pripremiti Odluku o izmjeni i dopuni Odluke o konunalnim taksama općine Zavidovići („Službeni glasnik Općine Zavidovići“, broj: 9/17 i 9/18), kako bi se izbrisale odredbe o naplati komunalne takse za svaku istaknutu firmu na osnovu presuda Ustavnog suda FBiH (broj: U-31/23 i U-3/24), kojima se one proglašavaju neustavnim.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu finansija, budžet i trezor.

p) Inicijativa Ajdina Polića za proširenje puta u Borovnici.

Predsjedavajuća čita stav Gradonačelnice po Inicijativi, te daje Inicijativu na glasanje.

Nakon provedenog glasanja predsjedavajuća konstatuje da je Inicijativa sa 28 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Ajdina Polića za proširenje puta u Borovnici (uređenje i betoniranje kanala za odvodnju oborinskih voda sa gornje strane ceste kako bi se pomenuta dionica proširila za normalno odvijanje saobraćaja).

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

- r) Inicijativa Amira Tursića za uređenje parking mjesta za osobe koje koriste invalidska kolica.

Predsjedavajuća čita stav Gradonačelnice po Inicijativi, te daje Inicijativu na glasanje. Nakon provedenog glasanja predsjedavajuća konstatuje da je Inicijativa sa 28 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Amira Tursića za uređenje parking mjesta za osobe koje koriste invalidska kolica, u skladu sa Odlukom o bezbjednosti i organizaciji saobraćaja na cestama Općine Zavidovići („Službeni glasnik općine Zavidovići“, broj:10/21) i Uredbom o prostornim standardima, urbanističko-tehničkim uslovima i normativima za sprečavanje stvaranja arhitektonsko-urbanističkim prepreka za lica sa umanjenim tjelesnim mogućnostima („Službene novine Federacije BiH“, broj: 48/09 i 99/14).

- Uređenje podrazumijeva obilježavanje broja parking mjesta u skladu sa brojem mjesta za invalidna lica predviđenim Odlukom o bezbjednosti i organizaciji saobraćaja na cestama Općine Zavidovići, obilježavanje parking mjesta u skladu sa uslovima utvrđenim Uredbom o prostornim standardima, urbanističko-tehničkim uslovima i normativima za sprečavanje stvaranja arhitektonsko-urbanističkih prepreka za lica sa umanjenim tjelesnim mogućnostima, te uređenje izlaza s parking mjesta na pločnik na način utvrđen navedenom Uredbom (sa ukošenim ivičnjakom nagiba najviše 10%, širine najmanje 120 cm).

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

- s) Inicijativa Amira Tursića za uklanjanje arhitektonsko-urbanističkih barijera, koje ometaju ili sprečavaju kretanje osoba s kolicima, te općenito invalidnih osoba ispod Gradske Džamije.

Predsjedavajuća čita stav Gradonačelnice po Inicijativi, te daje Inicijativu na glasanje. Nakon provedenog glasanja predsjedavajuća konstatuje da je Inicijativa sa 28 glasova ZA, 0 glasova PROTIV, 0 glasova UZDRŽANO, dobila potrebnu većinu te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Amira Tursića za uklanjanje arhitektonsko-urbanističkih barijera, koje ometaju ili sprečavaju kretanje osoba s kolicima, te općenito invalidnih osoba, bolesnih i starih osoba, kolica s bebama i drugih osoba kojima je to potrebno, kod poslovnih objekata ispod Gradske džamije.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

t) Inicijativa Harisa Hodžića za donošenje odluke o pokretanju aktivnosti na izradi projektne dokumentacije za izgradnju etažnog parkirališta.

Predsjedavajuća čita stav Gradonačelnice po Inicijativi, s obzirom da se Inicijativa ne prihvata, predsjedavajuća pita Harisa Hodžića da li traži izjašnjenje Vijeća. Haris Hodžić traži izjašnjenje. Predsjedavajuća daje Inicijativu na glasanje. Nakon provedenog glasanja predsjedavajuća konstatuje da je Inicijativa sa 13 glasova ZA, 3 glasova PROTIV, 10 glasova UZDRŽANO, nije dobila potrebnu većinu te ista nije usvojena.

ZAKLJUČAK

1. Gradsko vijeće Zavidovići odbija Inicijativu vijećnika Harisa Hodžića za donošenje odluke o pokretanju aktivnosti na izradi projektne dokumentacije za izgradnju etažnog parkirališta.
2. Zaključak stupa na snagu danom donošenja.

Ad.2 Izvještaj Skupštine JKP „Radnik“ d.o.o. Zavidovići o radu i finansijskom poslovanju JKP „Radnik“ d.o.o. Zavidovići za 2024. godinu.

Uvodno izlaganje: Amer Halilović.

Rasprava: Mirela Bašić, Šemsudin Skejić, Haris Hodžić, Zahid Avdičević, Admir Fojnica, Amra Jupiće, Igor Šimšić, Hasib Huskić, Semir Šehić, Erna Merdić Smailhodžić, Demir Buljubašić.

Predsjedavajuća daje Izvještaj Skupštine JKP „Radnik“ d.o.o. Zavidovići o radu i finansijskom poslovanju JKP „Radnik“ d.o.o. Zavidovići za 2024. godinu na glasanje.

Nakon provedenog glasanja predsjedavajuća konstatuje da je Izvještaj sa 26 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići usvaja Izvještaj o radu Skupštine JKP „Radnik“ d.o.o. Zavidovići i Izvještaj o poslovanju JKP „Radnik“ d.o.o. Zavidovići za 2024. godinu.
2. Zaključak stupa na snagu danom donošenja.

Ad.3 Izvještaj o izvršenju Budžeta Grada Zavidovići za period 01.01.-31.12.2024. godine.

Uvodno izlaganje: Midhat Bajramović.

Rasprava: Zahid Avdičević, Šemsudin Skejić, Midhat Bajramović.

Predsjedavajuća daje Izvještaj o izvršenju Budžeta Grada Zavidovići za period 01.01.-31.12.2024. godine na glasanje.

Nakon provedenog glasanja predsjedavajuća konstatuje da je Izvještaj sa 21 glas ZA, 5 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići usvaja Izvještaj o izvršenju Budžeta Grada Zavidovići za period 01.01.-31.12.2024. godine.

2. Izvještaj o izvršenju Budžeta Grada Zavidovići za period 01.01.-31.12.2024. godine, objaviti u „Službenom glasniku Grada Zavidovići“.

3. Zaključak stupa na snagu danom donošenja.

Ad.4 Prijedlog Odluke o usvajanju obračuna Budžeta Grada Zavidovići za period 01.01.-31.12.2024. godine.

Uvodno izlaganje: Midhat Bajramović

Rasprava: Šemsudin Skejić, Amer Avdičević.

Predsjedavajuća daje Prijedlog Odluke o usvajanju obračuna Budžeta Grada Zavidovići za period 01.01.-31.12.2024. godine na glasanje.

Nakon provedenog glasanja predsjedavajuća konstatuje da je Prijedlog Odluke sa 21 glas ZA, 0 glasova PROTIV, 5 glasova UZDRŽANO, dobio potrebnu većinu te je isti usvojen.

Ad.5 Prijedlog Odluke o usvajanju Plana parcelacije za lokalitet Vozuća označen sa k.č. 217/1 i 217/11 k.o. Vozuća.

Uvodno izlaganje: Bez uvodnog izlaganja.

Rasprava: Bez učesnika u raspravi.

Predsjedavajuća daje Prijedlog Odluke o usvajanju Plana parcelacije za lokalitet Vozuća označen sa k.č. 217/1 i 217/11 k.o. Vozuća na glasanje.

Nakon provedenog glasanja predsjedavajuća konstatuje da je Prijedlog Odluke sa 25 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

Ad.6 Prijedlog Odluke o provođenju Plana parcelacije za lokalitet Vozuća označen sa k.č. 217/1 i 217/11 k.o. Vozuća.

Uvodno izlaganje: Bez uvodnog izlaganja.

Rasprava: Bez učesnika u raspravi.

Predsjedavajuća daje Prijedlog Odluke o provođenju Plana parcelacije za lokalitet Vozuća označen sa k.č. 217/1 i 217/11 k.o. Vozuća na glasanje.

Nakon provedenog glasanja predsjedavajuća konstatuje da je Prijedlog Odluke sa 25 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

Ad.7 Informacija o okončanju stečajnog postupka JP „Gradska pekara“ Zavidovići u stečaju.

Predsjedavajuća upoznaje Vijeće sa činjenicom da se o predmetnoj tački dnevnog reda Vijeće ne izjašnjava, nego je prima na znanje.

Uvodno izlaganje: Nijaz Karahasanović.

Rasprava: Igor Šimšić.

Predsjedavajuća konstatuje da je Gradsko vijeće Zavidovići primilo Informacija o okončanju stečajnog postupka JP „Gradska pekara“ Zavidovići u stečaju na znanje.

ZAKLJUČAK

1. Gradsko vijeće Zavidovići prima k znanju Informaciju o okončanju stečajnog postupka JP „Gradska pekara“ Zavidovići u stečaju.

2. Zaključak stupa na snagu danom donošenja.

Ad.8 Prijedlog Odluke o dopuni Odluke, broj 01-27-1023/25-AP-3 od 29.05.2025. godine.

Uvodno izlaganje: Bez uvodnog izlaganja.

Rasprava: Bez učesnika u raspravi.

Predsjedavajuća daje Prijedlog Odluke o dopuni Odluke, broj 01-27-1023/25-AP-3 od 29.05.2025. godine na glasanje.

Nakon provedenog glasanja predsjedavajuća konstatuje da je Prijedlog Odluke sa 26 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

Sjednica zaključena u 17:50 sati.

ZAPISNIK SAČINIO

dipl. iur. Dženan Čatić

OVJERAVA

SEKRETAR GV- a

Samira Pinjić, dipl. pravnik

PREDSJEDAVAJUĆA

GRADSKOG VIJEĆA

Amira dr Hadžić, spec. radiolog